

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2025. godinu Federalnom ministarstvu raseljenih osoba i izbjeglica, V. broj: 295/2025 od 13.03.2025. godine („Službene novine Federacije BiH“, broj: 20/25), federalni ministar raseljenih osoba i izbjeglica, raspisuje

## JAVNI POZIV

**za sufinansiranje projekata udruženja raseljenih lica, povratnika i izbjeglica iz oblasti kulture i sporta usmjerenih na unaprjeđenje položaja i statusa ovih kategorija društva**

### I

#### **Svrha Javnog poziva**

Javni poziv se raspisuje radi podrške nevladinim organizacijama – udruženjima koji u svom članstvu imaju raseljena lica, povratnike ili izbjeglice, sufinansiranjem projekata iz oblasti kulture i sporta usmjerenih na unaprjeđenje položaja i statusa ovih kategorija društva.

### II

#### **Cilj Javnog poziva**

Cilj Javnog poziva jeste realizacija projekata udruženja čije su programske aktivnosti usmjerene na unaprjeđenje kvaliteta života ovih kategorija našeg društva.

### III

#### **Pravo učešća**

Pravo učešća u Javnom pozivu ostvaruju registrovane nevladine organizacije - udruženja, koja u svom članstvu imaju raseljene osobe, povratnike i izbjeglice, odnosno udruženja čije su programske aktivnosti usmjerene na unaprjeđenje kvaliteta života raseljenih lica, povratnika i izbjeglice na području cijele Bosne i Hercegovine.

### IV

#### **Ograničenje prava učešća**

Sva pravna lica, vjerske zajednice i udruženja koja nisu opravdala namjensko korištenje dodijeljenih budžetskih sredstava po ranijim programima ovog Ministarstva i nisu ispoštovala ugovorene uslove, nemaju pravo učešća u ovom Javnom pozivu.

### V

#### **Finansijska sredstva**

- (1) Za realizaciju ovog Javnog poziva planirana su finansijska sredstva u iznosu do 500.000,00 KM.
- (2) Ministarstvo će sufinansirati projekte udruženja koja budu odabrana u skladu sa ovim Javnim pozivom u iznosu od 2.000,00 KM do 5.000,00 KM.
- (3) Korisnik je obavezan da sufinansira preostali iznos odobrenog projekta.

(4) Korisnik je obavezan dostaviti izvještaj Federalnom ministarstvu raseljenih osoba i izbjeglica po realizaciji ugovora o sufinansiranju troškova odobrenog projekta.

## VI

### Opći kriteriji

Opći kriteriji za sufinansiranje projektnih prijedloga udruženja su:

1. Čitko popunjen, potpisan i ovjeren aplikacioni formular;
2. Aktuelni izvod iz registra udruženja;
3. Ovjerena kopija Statuta;
4. Kopija uvjerenja o identifikacionom broju;
5. Kopija ugovora sa bankom o otvaranju transakcionog/tekućeg računa;
6. Obrazložen projektni prijedlog.

Svi navedeni dokumenti moraju biti u originalu ili ovjerenj kopiji ne starijoj od 30 dana.

## VII

### Posebni kriteriji

1. Brojnost članova – izjava o broju članova udruženja, ovjerena od strane odgovorne osobe udruženja;
2. Širina i veličina prostora u kojem udruženje djeluje (na području MZ-e, više MZ-a, općina, kanton-a, entiteta, države) a dokazuje se izjavom od strane odgovorne osobe udruženja ili drugi adekvatan dokaz;
3. Rezultati i uspjesi u realizaciji dosadašnjih projekata i njihov značaj za članstvo i daljnji rad udruženja – dokaz izvještaj o radu;
4. Kvalitet, kompletnost i originalnost projekta u smislu poboljšanja kvaliteta života povratničke populacije – dokaz: originalni projekat ili kopija;
5. Finansijski plan rada za 2025. godinu iz kojeg se vidi visina sredstava potrebnih za sufinansiranje projekata
6. Očekivani efekti projekta/programa – dokazuje se Izjavom o očekivanim rezultatima (ovjeren pečatom udruženja).

## VIII

Odabir projekatnih prijedloga i korisnika po ovom Javnom pozivu će vršiti posebna komisija koju imenuje federalni ministar raseljenih osoba i izbjeglica.

Komisija će razmatrati prijave u skladu sa „Procedurama za finansiranje projekata udruženja raseljenih lica, povratnika i izbjeglica iz oblasti kulture i sporta, usmjerenih na unaprjeđenje položaja i statusa ovih kategorija društva“ koje donosi federalni ministar raseljenih osoba i izbjeglica i u skladu sa odredbama ovog Javnog poziva. Prijave udruženja koja nisu dostavila izvještaj o utrošku namjenskih sredstava iz ranijih godina do objavljivanja ovog javnog poziva neće biti razmatrane.

## IX

Aplikacioni formular je dostupan na internet stranici Federalnog ministarstva raseljenih osoba i izbjeglica [www.fmroi.gov.ba](http://www.fmroi.gov.ba), a može se preuzeti i lično u prostorijama Federalnog ministarstva raseljenih osoba i izbjeglica na adresi Hamdije Čemerlića 2., Sarajevo.

Prijave sa svim traženim dokumentima dostaviti lično ili poštom preporučenom poštom na adresu:

**Federalno ministarstvo raseljenih osoba i izbjeglica  
Ul. Hamdije Čemerlića br. 2.  
71000 Sarajevo**

u zatvorenoj koverti sa naznakom:

“Prijava na Javni poziv za sufinansiranje projekata udruženja raseljenih lica, povratnika i izbjeglica iz oblasti kulture i sporta usmjerenih na unaprjeđenje položaja i statusa ovih kategorija društva“

(Na poleđini koverta navesti naziv udruženja, tačnu adresu i kontakt telefon).

Rok za prijave je do **30. april 2025.** godine.

Dodatne informacije mogu se dobiti na tel: 033/294-173.

Nepotpune i neblagovremene prijave neće se uzimati u razmatranje.

Federalno ministarstvo raseljenih osoba i izbjeglica nema obavezu vraćati predatu dokumentaciju aplikantima.

MINISTAR

Nerin Dizdar

Broj: 06-32-5-700-1/25  
Sarajevo, 07.04.2025. godine